



Republika ng Pilipinas  
**Kagawaran ng Edukasyon**  
Rehiyon V  
**Tanggapang Pansangay ng mga Paaralan ng Sorsogon**

24 Hulyo 2023

**PANSANGAY NA MEMORANDUM**  
Blg. 146, s. 2023

**PAGDIRIWANG NG BUWAN NG WIKA 2023**

SA: Kawaksing Tagapamanihala  
Punong Tagamasid ng SGOD at CID  
Mga Tagamasid Pansangay ng Programang Pang-edukasyon  
Mga Tagamasid Pandistrito ng mga Pampublikong Paaralan  
Mga Punong Guro at Namumunong Guro sa Antas Elementarya at Sekondarya  
Sa Iba pang Kinauukulan

1. Ang Kagawaran ng Edukasyon Sangay ng Sorsogon sa pangunguna ng Sangay ng Pagpapatupad ng Kurikulum, bilang pagtugon sa Pampanguluhang Proklamasyon Bilang 1041, s. 1997 ay nakikiisa sa taunang pagdiriwang ng Buwan ng Wikang Pambansa 2023. Layon nito na ilaan ang buong Buwan ng Agosto bilang lunsaran ng mga pagpupunyagi sa kasaysayan ng bansa at ng wika.

2. Ang tema ng pagdiriwang sa taong ito ay ***“Filipino at mga Katutubong Wika: Wika ng Kapayapaan, Seguridad, at Inklusibong Pagpapatupad ng Katarungang Panlipunan.”*** Nahahati sa limang lingguhang tema ang isang buwang pagdiriwang:

Petsa	Tema
Unang Linggo 1-5 Agosto	Pagkilala at Pagtaguyod sa Filipino Sign Language (FSL) bilang Pambasang Wikang Senyas ng Pilipinas
Ikalawang Linggo 7-12 Agosto	Mga Wikang Katutubo: Midyum ng Pagtuturo, Pananaliksik at Pagkakaisa
Ikatlong Linggo 14-19 Agosto	Mga Wikang Katutubo: Kasangkapan ng Siyensiya at Teknolohiya tungo sa Maunlad na Pilipinas
Ikaapat na Linggo 21-26 Agosto	Mga Wikang Katutubo: Pambasang Pag-uswag at Pakikipagkapuwa sa Pagpapaunlad ng Katarungang Panlipunan
Ikalimang Linggo 28-31 Agosto	Wikang Filipino: Wikang Mapagbangon



Balogo Sports Complex, Balogo, Lungsod Sorsogon, Sorsogon 4700  
Email: [sorsogon@deped.gov.ph](mailto:sorsogon@deped.gov.ph)  
Website: [depedsorsogon.com.ph](http://depedsorsogon.com.ph)



CIP 5461/21/05/1163

3. Ang mga paaralan ay inaasahang magsasagawa ng simple at marangal na Seremonya sa Pagtaas ng Watawat sa kani-kaniyang paaralan. Iminumungkahi ang daloy gaya ng sumusunod:


- a. Pag-awit ng Pambansang Awit ng Pilipinas (Lupang Hinirang)
- b. Panalangin
- c. Pagbigkas ng Panunumpa ng Katapatan sa Watawat ng Pilipinas
- d. Pagbigkas ng Panunumpa ng Lingkod Bayan (rebisyon 2021)
- e. Pagbigkas ng Quality Policy
- f. Pagbigkas ng Bisyon, Misyon, at Pangunahing Halagahan ng DepEd
- g. Pag-awit ng ng Marisa ng Bicol/Marisa of Himno ng Sangay
- h. Iba pang bilang (mula sa kani-kaniyang paaralan)

4. Kaugnay pa nito, sa unang linggo ng pagbubukas ng klase ay iminumungkahing isagawa ang simpleng palatuntunan at ilang patimpalak. Inaasahang hindi ito makasasagabal sa kabuoang daloy ng klase sa paaralan. Sa pagsasagawa nito, mahigpit na itinatagubilin ang mga tuntuning pangkalusugan at pangkaligtasan.

5. Ang mga gugulin sa gawain sa bawat paaralan na may kaugnayan sa pagdiriwang ng Buwan ng Wika ay manggagaling sa pondong lokal at/o iba pang pondong pampaaralan na sasailalim sa kinagawiang pagsusuma at pagsusuri na naaayon sa mga ipinapatupad na tuntunin at regulasyon ng akawnting.

6. Kalakip ng Memorandum na ito ang nakasalin sa Filipinong Bisyon, Misyon, at Pangunahing Halagahan ng DepEd at Quality Policy.

7. Para sa inyong kaalaman, patnubay at kaukulang aksiyon.

  
**WILLIAM E. GANDO, CESO VI**  
Pansangay na Tagapamanihala ng mga Paaralan

Kalakip: *Gaya ng nasasaad*  
Ilalagay sa Palagiang Talatuntunan  
sa ilalim ng sumusunod na paksa:

*Buwan ng Wika*                      *Pagdiriwang*  
*Paaralan*                              *Guro*                              *Mag-aaral*

CID GQT/sav



Balogo Sports Complex, Balogo, Lungsod Sorsogon, Sorsogon 4700  
Email: [sorsogon@deped.gov.ph](mailto:sorsogon@deped.gov.ph)  
Website: [depedsorsogon.com.ph](http://depedsorsogon.com.ph)



CIP 5461/21/05/1163



Republika ng Pilipinas  
**Kagawaran ng Edukasyon**  
Rehiyon V  
**Tanggapang Pansangay ng mga Paaralan ng Sorsogon**

---

**BISYON**

Pangarap natin ang mga Pilipinong masidhing nagmamahal sa kanilang bansa may pagpapahalaga at kasanayang nagagamit sa pagtamo ng kanilang ganap na kakayahan at makabuluhang nag-aambag sa pagtataguyod ng bayan.

Bilang institusyong publiko nakatuon sa mga mag-aaral, ang Kagawaran ng Edukasyon ay patuloy sa pagpapaunlad ng sarili upang higit na mapaglingkuran ang mga stakeholder nitó.

**MISYON**

Pangalagaan at itaguyod ang karapatan ng bawat Pilipino sa makalidad, pantay-pantay, makakultura, buo at ganap na batayang edukasyon kung saan:

Matututo ang mga mag-aaral sa kapaligirang naaangkop sa bata, sensitibo sa kasarian, ligtas, at nakahihikayat;

Tagapagpadaloy ang guro sa pagkatuto at patuloy na paghubog sa bawat mag-aaral;

Tinitiyak ng mga tagapangasiwa at kawani, bilang tagapamahala ng institusyon, ang kapaligirang nagtutulungan at mapagkalinga upang maisakatuparan ang mabisang pagkatuto;

Aktibong pakikilahok at pakikibahagi ng pamilya, komunidad, at iba pang mga stakeholder sa mga responsibilidad para sa pagpapaunlad ng habang-buhay na pagkatuto ng mga mag-aaral.

**Pangunahing Halagahan**

Maka-Diyos  
Makatao  
Makakalikasan  
Makabansa



Balogo Sports Complex, Balogo, Lungsod Sorsogon, Sorsogon 4700  
Email: [sorsogon@deped.gov.ph](mailto:sorsogon@deped.gov.ph)  
Website: [depedsorsogon.com.ph](http://depedsorsogon.com.ph)



CIP 5461/21/05/1163



Republika ng Pilipinas  
**Kagawaran ng Edukasyon**  
Rehiyon V  
**Tanggapang Pansangay ng mga Paaralan ng Sorsogon**

---

**Pahayag ng Patakarang Kalidad ng DepEd**

Ang Kagawaran ng Edukasyon ay matapat na nagkakaloob sa mga mag-aaral ng makalidad na batayang edukasyon na naaabot, inklusibo, at malaya sa pamamagitan ng:

- Masigasig na pamumuno
- Magkatuwang na pamamahala
- Batay sa ebidensiyang mga patakarang, mga pamantayan, at mga programa
- Tumutugon at nauugnay na kurikulum
- Lubos na kahusayan at katapatan ng mga opisyal, guro, at mga kawani
- Kaiga-igayang kapaligiran

Ang Kagawaran ay naninindigan sa pinakamataas na pamantayan ng pag-uugali at pagganap upang matupad ang mga pangangailangan at inaasahan ng mga stakeholder sa pamamagitan ng pagsunod sa mga mandato ng konstitusyon, ayon sa batas at mga kinakailangan sa regulasyon, at pinapanatili ang kasiyahan ng kliyente sa pamamagitan ng patuloy na pagpapabuti ng Sistema sa Pamamahala ng Kalidad.



Balogo Sports Complex, Balogo, Lungsod Sorsogon, Sorsogon 4700  
Email: [sorsogon@deped.gov.ph](mailto:sorsogon@deped.gov.ph)  
Website: [depedsorsogon.com.ph](http://depedsorsogon.com.ph)



**CIP 5461/21/05/1163**